

ნდობის აღდგენისა და შერიგების საკითხებში აფხაზეთის ავტონომიური რესპუბლიკის
მინისტრის აპარატი



2018 წლის მესამე კვარტლის ანგარიში

ნდობის აღდგენისა და შერიგების საკითხებში აფხაზეთის ავტონომიური რესპუბლიკის მინისტრის აპარატის მიერ განხორციელებული სამუშაოების შეფასების მთავარი კრიტერიუმია ნდობის აღდგენისა და შერიგების სფეროში ინოვაციური მიდგომების შემუშავება, აფხაზეთის გახლეჩილი საზოგადოების წევრებს შორის ნდობის აღდგენისა და შერიგების პროცესის ხელშეწყობა, გაყოფილ ტერიტორიებზე მცხოვრებ, საერთო ინტერესების მქონე ჯგუფებს შორის ურთიერთობების ხელშეწყობა, საინფორმაციო ტექნოლოგიების და სხვა ტიპის ელექტრონული კომუნიკაციების მეშვეობით ურთიერთობის, დიალოგისა და ნდობის აღდგენის ხელშეწყობა გამყოფი ხაზებით დაშორებულ საზოგადოებას შორის.

განსაკუთრებით მნიშვნელოვანია ამ პროცესებში ახალგაზრდების ჩართულობა და საერთაშორისო და ადგილობრივი ინტიტუციების დახმარებით, მათი დამეგობრებისათვის ხელშეწყობა. ინოვაციურ პროექტებში სახალხო დიპლომატიის როლის გაძლიერება, კულტურული მემკვიდრეობის, განათლების, ჯანდაცვის, ეკონომიკის, სპორტის და სხვა სფეროში არსებული და ახალი შესაძლებლობის გამოყენება.

აქედან გამომდინარე, მიმდინარე წლის პირველ კვარტალში ნდობის აღდგენისა და შერიგების საკითხებში აფხაზეთის ა/რ მინისტრის აპარატის საქმიანობა მიმდინარეობდა დებულებით გათვალისწინებული პრიორიტეტებისა და სამუშაო გეგმის შესაბამისად.

**პროგრამული პროექტი - „სამშვიდობო რესურსები - „ქართულ-აფხაზური ურთიერთობები და საქართველოს ევროპული მომავალი“
(აგვისტო, 2018)**

ნდობის აღდგენისა და შერიგების საკითხებში აფხაზეთის ავტონომიური რესპუბლიკის მინისტრის აპარატმა გააგრძელა იმ პროექტების მხარდაჭერა, რომლებიც დაშორებულ საზოგადოებებს შორის სახალხო დიპლომატიის, სოციალურ-ეკონომიკურ და კულტურულ-საგანმანათლებლო სფეროებში თანამშრომლობას წახალისებს.

სწორედ ნდობის აღდგენისა და შერიგების პროცესების ხელშეწყობის ერთ-ერთი მნიშვნელოვანი ფაქტორია სახელმწიფო ინსტიტუტების, სამოქალაქო საზოგადოების, საერთაშორისო ორგანიზაციებისა და ახალგაზრდა ლიდერების ძალისხმევით შესწავლილ და გაანალიზებულ იქნეს კონფლიქტი და შესაბამისი მექანიზმებით დაძლეულ იქნეს კონფლიქტის უარყოფითი შედეგები. სხვა სამშვიდობო რესურსებთან ერთად განსაკუთრებით მნიშვნელოვნად არის მიჩნეული სახალხო დიპლომატია, რომელიც ხელს უწყობს ომით დაზარალებულ მოსახლეობას შორის ნდობის აღდგენასა და შერიგების პროცესს.

პროექტის მიზანი იყო ინტერკულტურული მეგობრობის გაღრმავება, არაფორმალური დიალოგისთვის პლატფორმის შექმნა და ევროპული ღირებულებების შესახებ საზოგადოებრივი ცნობიერების ამაღლება. ქართულ-აფხაზური ტრადიციული ურთიერთობების პოპულარიზაცია.

პროგრამა ითვალისწინებდა სხვადასხვა ქვეყნების საუკეთესო პრაქტიკის გადმოტანას და მის დანერგვას, რაც, თავის მხრივ, ხელს შეუწყობს ქვეყნის ინტერესების მხარდაჭერას უწყების კომპეტენციაში არსებული მიზნებიდან გამომდინარე.

წარმოდგენილი პროექტის ფარგლებში განხორციელდა შემდეგი ღონისძიებები:

- პროექტის შესახებ ონლაინ-ინფორმაციის გავრცელება
- პანელ - დისკუსიები, სადაც მონაწილეებს ჰქონდათ საკუთარი აზრის დაფიქსირების

საშუალება

- პროგრამის ფარგლებში მოეწყო ონლაინ-გამოფენა

პროგრამული პროექტი - „აფხაზეთის თემატიკაზე მომუშავე პროფესორების, დოქტორანტებისა და მაგისტრანტების ჩართულობა ნდობის აღდგენისა და შერიგების პროცესებში“ (ქ. რომი, იტალია, 25-28 სექტემბერი 2018)

ნდობის აღდგენისა და შერიგების საკითხებში აფხაზეთის ავტონომიური რესპუბლიკის მინისტრის აპარატმა პროგრამის - „აფხაზეთის თემატიკაზე მომუშავე პროფესორების, დოქტორანტებისა და მაგისტრანტების ჩართულობა ნდობის აღდგენისა და შერიგების პროცესებში“ ფარგლებში, პროგრამული პრიორიტეტებიდან გამომდინარე, საქართველოს პრეზიდენტის სარეზერვო ფონდიდან მხარდაჭერისთვის მოამზადა დამატებითი პროექტი სათაურით „ მეცნიერება და რელიგია მომავლისათვის“, რომელმაც ფინანსური მხარდაჭერა (42 ათასი ლარი) მიიღო.

ზემოთაღნიშნული მიმართულება პრიორიტეტების მიხედვით პრაქტიკულად განხორციელდა 2018 წლის 25-28 სექტემბერს რომში (იტალია), საპინსას უნივერსიტეტში და ფართო რეზონანსი გამოიწვია.

პროექტის მიზანი იყო აქტიური ჩართულობა ინტერკულტურულ დიალოგში, კულტურული მემკვიდრეობის პოპულარიზაცია, განათლების ხელშეწყობა, სხვადასხვა ქვეყნების აკადემიური წრეების წარმომადგენლებისა და ახალგაზრდების ურთიერთდაახლოება, რწმენისა და განათლების სინერგია და სამშვიდობო პლატფორმის შექმნა.

პროექტის მონაწილეები იყვნენ სხვადასხვა ქვეყნების ახალგაზრდები და პროფესორები, სამთავრობო და არასამთავრობო ორგანიზაციის წარმომადგენლები, ქართული დიასპორის წარმომადგენლები.

წარმოდგენილი პროექტის ფარგლებში ჩატარდა შემდეგი ღონისძიებები:

- სამეცნიერო კონფერენცია
- ახალგაზრდული კონფერენცია - „ახალგაზრდობა და იდენტობა“
- ინტერკულტურული ვორქშოფი - „რა გვავრთიანებს და რა გვაშორებს“
- მასტერკლასები - „ქართული ფოლკლორი“
- გამოფენა ქართული კულტურული მემკვიდრეობა აფხაზეთში
- გამოფენა „ქართული კალიგრაფია“
- აფხაზეთიდან დევნილი, იტალიაში მოღვაწე ქართველი პუბლიცისტის რუსუდან

ჟორჟოლიანის წიგნის პრეზენტაცია

- პროექტის ფარგლებში შექმნილი წიგნის პრეზენტაცია
- ფილმის „სიმინდის კუნძულის“ პრეზენტაცია და დებატები